



სურსათის ეროვნული სააგენტო

მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები

სატენდერო დოკუმენტაცია

CPV45200000

2015 წელი

1. ტექნიკური დავალება:

1.1. შესყიდვის ობიექტის აღწერილობა

შესყიდვის ობიექტია სსიპ – სურსათის სააგენტოს ზესტაფონის ოფისის ეზოს კეთილმოწყობის სამუშაოების შესყიდვა. (საკადასტრო კოდი: 32.10.33.347)

1.2. სატენდერო წინადადების ფასი და ანგარიშსწორები პირობები:

სატენდერო წინადადების ღირებულება წარმოდგენილი უნდა იქნეს ლარში და უნდა მოიცავდეს სამუშაოს შესრულებისათვის საჭირო ყველა ხარჯს, ამავე დროს ექსპერტის დასკვნის ღირებულებას და საქართველოს კანონმდებლობით გათვალისწინებულ ყველა შესაბამის გადასახადს დღგ-ს გარეშე.

სატენდერო წინადადების ღირებულებაა - **24,449 ლარი დღგს გარეშე.**

1.3. თუ გამარჯვებული პრეტენდენტი დღგ-ს გადამხდელია, ასეთ შემთხვევაში, ხელშეკრულების გაფორმებისას, მის მიერ წარმოდგენილ ფასს დაემატება დღგ.

- 1.1. მუშაობის პროცესში მიმწოდებელი ვალდებულია სამუშაოები შეასრულოს მოქმედი სამშენებლო ნორმებითა და წესებით;
- 1.2. სამუშაოების წარმოება უნდა განხორციელდეს საქართველოს მთავრობის 2007 წლის 28 მარტის N62 დადგენილებით დამტკიცებული “მშენებლობის უსაფრთხოების წესების” სრული დაცვით;
- 1.3. ყველა გამოყენებული მასალა/მოწყობილობა უნდა იყოს მაღალი ხარისხის, შესყიდველს უფლება აქვს მოითხოვოს აღნიშნულის დამადასტურებელი საერთაშორისო სტანდარტის სერტიფიკატი. მასალის/მოწყობილობის ტიპი და მახასიათებლები თანხმდება შემსყიდველთან. იმ შემთხვევაში თუ მიმწოდებლის მიერ წარმოდგენილი მასალა/მოწყობილობა ან შესრულებული სამუშაო არ იქნება მოწონებული შემსყიდველის მიერ, მიმწოდებელი ვალდებულია გამოასწოროს ან წარმოადგინოს სხვა, შემსყიდველისათვის მისაღები მასალა/მოწყობილობა ან სამუშაო.
- 1.4. მიმწოდებელი პასუხისმგებელია შეასრულოს სამუშაო უსაფრთხო და ეკოლოგიურად მისაღები გზით და ვალდებულია მინიმუმამდე დაიყვანოს მუშაობით გამოწვეული ხმაურის, ვიბრაციისა და მტვრის გავლენა.
- 1.5. სამუშაოების დასრულების შემდეგ მიმწოდებელი ვალდებულია თავისი ძალებითა და სახსრებით ერთი კვირის განმავლობაში გაათავისუფლოს სამუშაო ადგილი სამშენებლო ნარჩენებისაგან, მოწყობილობა-დანადგარებისაგან, დროებითი ნაგებობებისაგან და ა.შ.
- 1.6. ობიექტებზე მთლიანი სამუშაოს შესრულების თაობაზე მიმწოდებელი ადგენს შესრულებული სამუშაოს აქტებს (ფორმა N2), რომელთა პროექტთან სრულ შესაბამისობას შეამოწმებს და ადასტურებს საავტორო/საპროექტო

ზედამხედველობის განმახორციელებელი პირ(ებ)ი და შემსყიდველის ზედამხედველები.

- 1.7. ობიექტებზე მთლიანი სამუშაოს შესრულების თაობაზე უნდა შედგეს ლევან სამხარაულის სახელობის სასამართლო ექსპერტიზის ეროვნული ბიუროს ექსპერტიზის დასკვნა. ექსპერტის დასკვნა უნდა ადასტურებდეს შესრულებული სამუშაოების აქტებში (ფორმა N2) ასახული მასალებისა და მოცულობების ნამდვილობას. ანგარიშსწორებისას მხედველობაში მიიღება მხოლოდ ექსპერტის დასკვნა. **ექსპერტის დასკვნის მოპოვება წარმოადგენს მიმწოდებლის ვალდებულებას.**
- 1.8. ექსპერტის დასკვნის საფუძველზე ფორმდება სათანადო მიღება-ჩაბარების აქტი მიმწოდებელსა და შემსყიდველის მიერ შექმნილ კონტროლის განმახორციელებელ ჯგუფს შორის.
- 1.9. საავტორო/საპროექტო ზედამხედველის ან შემსყიდველის მიერ განსაზღვრული ზედამხედველის მხრიდან შესრულებული სამუშაოების უარყოფითად ან წუნით შეფასების შემთხვევაში, შესაბამის სამუშაოთა შესრულების შესახებ დოკუმენტაცია გაფორმდება მხოლოდ მითითებული დეფექტების და წუნის აღმოფხვრის შემდეგ.
- 1.10. მიმწოდებელთან ანგარიშსწორება განხორციელდება ეროვნულ ვალუტაში, უნაღდო ანგარიშსწორებით, სამუშაოების დასრულების შემდგომ, შესაბამისი მიღება-ჩაბარების აქტის გაფორმებიდან 10 კალენდარული დღის განმავლობაში.
- 1.11. **ტენდერში დაიშვება წინასწარი საავანსო ანგარიშსწორება ხელშეკრულების ჯამური ღირებულების 100%-ს ფარგლებში. მოცემულ შემთხვევაში მიმწოდებელმა უნდა წარმოადგინოს წინასწარ მოთხოვნილი თანხის ოდენობის საბანკო დაწესებულების საბანკო გარანტია, რომლის მოქმედების ვადა ერთი თვით უნდა აღემატებოდეს ხელშეკრულების მოქმედების ვადას.**
- 1.12. სამუშაოს შესრულების ვადები და პირობები:
 - 1.12.1. პრეტენდენტმა უნდა დაიცვას მის მიერ წარმოდგენილი სამუშაოების შესრულების გეგმა-გრაფიკით განსაზღვრული ვადები.
 - 1.12.2. **აღნიშნული ტენდერით გათვალისწინებული სამუშაოები უნდა დასრულდეს ხელშეკრულების გაფორმებიდან არაუგვიანეს 45 კალენდარული დღისა.**
 - 1.12.3. სასამართლო ექსპერტიზის ეროვნული ბიუროს ექსპერტიზის დასკვნა წარმოდგენილ უნდა იქნას სამუშაოების დასრულებიდან არაუგვიანეს **30 სამუშაო დღისა**, რომლის საფუძველზეც გაფორმდება მიღება-ჩაბარების აქტი მთლიან სამუშაოზე.
- 1.13. სამუშაოების საგარანტიო ვადა და პირობები.
 - 1.13.1. შესრულებული სამუშაოს საგარანტიო ვადა უნდა გრძელდებოდეს **2 წლის** განმავლობაში, სამუშაოების საბოლოო მიღება-ჩაბარების აქტის გაფორმების დღიდან.

- 1.13.2. საგარანტიო მომსახურება უნდა ვრცელდებოდეს საგარანტიო პერიოდში ნებისმიერი ხარვეზისა და დეფექტის აღმოფხვრაზე (შეკეთება/შეცვლა ახლით) გარდა შესყიდველის მხრიდან გაუფრთხილებლობით გამოწვეული მექანიკური დაზიანებებისა.
- 1.13.3. ალტერნატიული წინადადებები არ განიხილება.
- 1.13.4. სატენდერო წინადადება, აგრეთვე შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილ უნდა იქნეს ქართულ ენაზე.
- 1.13.5. სატენდერო განცხადება, სატენდერო დოკუმენტაცია და პრეტენდენტის მიერ წარმოდგენილი სატენდერო წინადადება თანმხლებ დოკუმენტებთან ერთად, წარმოადგენს ხელშეკრულების განუყოფელ ნაწილს.

**სახელმწიფო შესყიდვების ერთიან ელექტრონულ სისტემაში
სატენდერო წინადადების წარდგენით პრეტენდენტი
ავტომატურად გამოხატავს თანხმობას ამ პუნქტით
განსაზღვრულ მოთხოვნებზე**

2. პრეტენდენტის ტექნიკური დოკუმენტაცია - ელექტრონულად წარმოსადგენი ინფორმაციის ჩამონათვალი

პრეტენდენტის მიერ სისტემაში ატვირთულ ტექ. დოკუმენტაცია უნდა შეიცავდეს შემდეგ ინფორმაციას:

2.1. პრეტენდენტის რეკვიზიტები (სრული დასახელება, საბანკო რეკვიზიტები, იურიდიული და ფაქტიური მისამართი, ელ-ფოსტა, საკონტაქტო ტელეფონი, ხელმძღვანელის ან/და ხელმოწერაზე უფლებამოსილი პირის ვინაობა) - დანართი №1;

2.2. ხარჯთაღრიცხვა მიმაგრებული ფაილის მიხედვით .

2.3. სამუშაოთა შესრულების გეგმა-გრაფიკი .

2.4. სულ მცირე **ორი ორგანიზაციის** სარეკომენდაციო წერილი.

2.5. ინფორმაცია ანალოგიური/მსგავსი სამუშაოების შესრულების თაობაზე (ინფორმაციის გადამოწმება შესაძლებელი უნდა იყოს ელექტრონული სისტემის მეშვეობით).

ელექტრონულ სისტემაში ასატვირთი ყველა დოკუმენტი უნდა იყოს ხელმოწერილი პრეტენდენტის ხელმძღვანელის ან შესაბამისად უფლებამოსილი პირის მიერ და დამოწმებული ბეჭდით.

სახელმწიფო შესყიდვის შესახებ

ხელშეკრულება

წინამდებარე დოკუმენტი წარმოადგენს სახელმწიფო შესყიდვის შესახებ ხელშეკრულების პროექტს, რომელიც დაიდება გამარტივებული ელექტრონული ტენდერის ჩატარების შედეგად.

წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავედროულად თანდართული ექნება ხელშეკრულებას, როგორც მისი განუყოფელი ნაწილი.

ქ. თბილისი

_____ 2015 წ.

ერთის მხრივ *საქართველოს სოფლის მეურნეობის სამინისტროს სსიპ – სურსათის ეროვნული სააგენტო* (შემდგომში “შემსყიდველი”) წარმოდგენილი მისი უფროსის ----- სახით და მეორეს მხრივ, _____ (შემდგომში “მიმწოდებელი”) წარმოდგენილი მისი _____ სახით, “სახელმწიფო შესყიდვის შესახებ” საქართველოს კანონისა და პრეტენდენტის (დასახელება) სატენდერო წინადადების საფუძველზე, გამარტივებული ელექტრონული ტენდერის ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინებს აქვთ შემდეგი მნიშვნელობა

1.1. “ხელშეკრულება სახელმწიფო შესყიდვის შესახებ” (შემდგომ - “ხელშეკრულება”) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.

1.2. “ხელშეკრულების ღირებულება” - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ნაკისრი ვალდებულებების სრული და ზედმიწევნით შესრულებისთვის.

1.3. “დღე”, “კვირა”, “თვე” - კალენდარული დღე, კვირა, თვე.

1.4. “სამუშაო” – ხელშეკრულების მე-2 მუხლით გათვალისწინებული ხელშეკრულების საგანი.

1.5. “არაჯეროვანი მიწოდება” - ხელშეკრულების მიზნებიდან გამომდინარე მიმწოდებლის მხრიდან შემსყიდველისათვის ისეთი სახის საქონლის მიწოდება, რომელიც შეესაბამება ხელშეკრულების მე-2 მუხლით გათვალისწინებულ საგანს, თუმცა ბოლომდე არ აკმაყოფილებს აღნიშნული ხელშეკრულების ყველა პირობას.

1.6. “ტექნიკური დავალება” - სატენდერო დოკუმენტაციის ტექნიკური დავალება, რომელიც დაერთვება ხელშეკრულებას, როგორც მისი განუყოფელი ნაწილი.

1.7. “ტექნიკური დოკუმენტაცია” - მიმწოდებლის მიერ ტენდერში წარმოდგენილი ტექნიკური დოკუმენტაცია, რომელიც დაერთვება ხელშეკრულებას, როგორც მისი განუყოფელი ნაწილი.

2. ხელშეკრულების საგანი და მიზანი

2.1. ხელშეკრულების საგანს წარმოადგენს, სსიპ – სურსათის ეროვნული სააგენტოს ზესტაფონის ოფისის ეზოს კეთილმოწყობის სამუშაოების შესყიდვა.

2.2. CPV 45200000

3. ხელშეკრულების ღირებულება

3.1. ხელშეკრულების ჯამური ღირებულება შეადგენს -----

3.2. დაფინანსების წყარო - საბიუჯეტო სახსრები

4. სამუშაოს მიწოდების ვადა

სამუშაო უნდა დასრულდეს ხელშეკრულების გაფორმებიდან არაუგვიანეს 45 დღისა. ხოლო სასამართლო ექსპერტიზის ეროვნული ბიუროს დასკვნა წარმოდგენილ უნდა იქნას სამუშაოების დასრულებიდან არაუგვიანეს 30 სამუშაო დღისა.

5. მიღება-ჩაბარების წესი

5.1. მხარეებს შორის შესრულებული სამუშაოების მიწოდებაზე, სასამართლო ექსპერტიზის ეროვნული ბიუროს დასკვნის საფუძველზე გაფორმდება მიღება-ჩაბარების აქტი შესაბამისი ღირებულების ასახვით;

5.2. შემსყიდველის მხრიდან მიღება-ჩაბარების აქტზე ხელს აწერენ სააგენტოს კონტროლის განმახორციელებელი ჯგუფის წევრები.

6. ანგარიშსწორების პირობები

6.1. მიმწოდებელთან ანგარიშსწორება განხორციელდება ეროვნულ ვალუტაში, სამუშაოების დასრულების შემდგომ, შესაბამისი მიღება-ჩაბარების აქტის გაფორმებიდან 10 კალენდარული დღის განმავლობაში.

6.2. ანგარიშსწორების ფორმა იქნება – უნაღდო.

6.3. ტენდერში დაიშვება წინასწარი საავანსო ანგარიშსწორება ხელშეკრულების ჯამური ღირებულების **100%-ს** ფარგლებში. მოცემულ შემთხვევაში მიმწოდებელმა უნდა წარმოადგინოს წინასწარ მოთხოვნილი თანხის ოდენობის **საბანკო დაწესებულების საბანკო გარანტია**, რომლის მოქმედების ვადა ერთი თვით უნდა აღემატებოდეს ხელშეკრულების მოქმედების ვადას

7. მხარეთა უფლება-მოვალეობები

7.1. შემსყიდველი უფლებამოსილია ნებისმიერ დროს შეამოწმოს მიმწოდებლის მხრიდან ხელშეკრულების პირობების შესრულება;

7.2. შემსყიდველი ვალდებულია გადაიხადოს მოწოდებული სამუშაოს ღირებულება ხელშეკრულების პირობებისა და ვადის გათვალისწინებით;

7.3. მიმწოდებელი უფლებამოსილია მოსთხოვოს შემსყიდველს მიწოდებული სამუშაოს ღირებულების ანაზღაურება ხელშეკრულების პირობებისა და ვადის გათვალისწინებით;

7.4. მიმწოდებელი ვალდებულია:

7.4.1. შემსყიდველს მიაწოდოს დადგენილი ხარისხისა და სტანდარტების სამუშაო;

8. გარანტია

8.1.1. შესრულებული სამუშაოს საგარანტიო ვადა უნდა გრძელდებოდეს 2 წლის განმავლობაში, სამუშაოების საბოლოო მიღება-ჩაბარების აქტის გაფორმების დღიდან.

8.1.2. საგარანტიო მომსახურება უნდა ვრცელდებოდეს საგარანტიო პერიოდში ნებისმიერი ხარვეზისა და დეფექტის აღმოფხვრაზე (შეკეთება/შეცვლა ახლით) გარდა შესყიდველის მხრიდან გაუფრთხილებლობით გამოწვეული მექანიკური დაზიანებებისა.

9. პირგასამტეხლო ხელშეკრულების პირობების შეუსრულებლობისავის

9.1. ხელშეკრულების მე-4 მუხლით გათვალისწინებული ვადების გადაცდენის შემთხვევაში მიმწოდებელს დაეკისრება პირგასამტეხლო ხელშეკრულების ჯამური ღირებულების 0.07% ოდენობის შესაბამისი თანხით ყოველ გადაცილებულ დღეზე.

9.2. 9.1. მუხლით გათვალისწინებულ შემთხვევებში შემსყიდველს არ ევალება ხელშეკრულების 6.3. პუნქტში მითითებული ვადის დაცვა. მიმწოდებლისთვის თანხის გადახდა მოხდება პირგასამტეხლოს გადახდის დამადასტურებელი საბუთის წარმოდგენიდან 20 სამუშაო დღის განმავლობაში

9.3. იმ შემთხვევაში, თუ ვადების გადაცდენისათვის დაკისრებული პირგასამტეხლოს ჯამური თანხა გადაჭარბებს ხელშეკრულების ღირებულების 10%, შემსყიდველს უფლება აქვს შეწყვიტოს ხელშეკრულება.

9.4. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, მას დაეკისრება პირგასამტეხლო ხელშეკრულების საერთო ღირებულების 10%-ის ოდენობის შესაბამისი თანხით.

9.5. მიმწოდებელმა პირგასამტეხლოების გადახდა და აღნიშნულის დამადასტურებელი დოკუმენტის შემსყიდველთან წარმოდგენა უნდა უზრუნველყოს წერილობითი შეტყობინებიდან 10 დღის განმავლობაში.

9.6. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

10. ხელშეკრულებაში ცვლილებების შეტანა

10.1. ხელშეკრულების ნებისმიერი ცვლილების/დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

10.2. ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

10.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების არსებული ჯამური ღირებულების 10%-ზე მეტი ოდენობით.

10.4. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.

11. ხელშეკრულების შეწყვეტა

11.1. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში, მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ.

11.2. ხელშეკრულების ცალკეული პირობების მოქმედების შეწყვეტა არ ათავისუფლებს მხარეებს დანარჩენი ვალდებულებების შესრულებისაგან.

11.3. თუ შემსყიდველისათვის ცნობილი გახდა, რომ მიმწოდებელი მისგან დამოუკიდებელი მიზეზების გამო ვერ უზრუნველყოფს ხელშეკრულებით ნაკისრი

ვალდებულებების შესრულებას, შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ;

11.4. შემსყიდველის დაფინანსების წყაროს შემცირების ან დაგეგმილი შემოსავლების ნაკლები რაოდენობით მიღების შემთხვევაში (თუკი ხელშეკრულებით გათვალისწინებული ფინანსური ვალდებულებების უზრუნველყოფა გათვალისწინებული იყო ამ შემოსავლებიდან), შემსყიდველს უფლება აქვს შეწყვიტოს ხელშეკრულება;

11.5. ხელშეკრულების შეწყვეტა პირობების დარღვევის გამო არ ათავისუფლებს მხარეებს ხელშეკრულების შეუსრულებლობისათვის გათვალისწინებული პასუხისმგებლობისაგან.

11.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

12. დაუძლეველი ძალა

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით.

12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებების შეუსრულებლობით გამოწვეული პასუხისმგებლობისაგან.

12.3. მხარეთა ვალდებულებები და პასუხისმგებლობა განახლდება დაუძლეველი ძალის მოქმედების დასრულებისთანავე.

13. სხვა პირობები

13.1. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

13.2. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (ერთი პირი მიმწოდებელთან და ორი პირი შემსყიდველთან). ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

რეკვიზიტები

პრეტენდენტის დასახელება:	
საიდენტიფიკაციო კოდი:	
იურიდიული და ფაქტიური მისამართი:	
ელ.ფოსტა:	
საკონტაქტო ტელეფონები:	
ხელმძღვანელისა და/ან ხელმოწერაზე უფლებამოსილი პირის ვინაობა:	
საბანკო რეკვიზიტები	
ბანკის დასახელება:	
ბანკის კოდი:	
ა/ანგარიშის #:	

უფლებამოსილი პირის ხელმოწერა და ბეჭედი _____